

申氏拾遺集



2121

1

21703

申氏拾遺集

申居鄭輯

中華書局

叢書集成初編

申氏拾遺集

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

此據畿輔叢書本
排印初編各叢書
僅有此本

申氏拾遺集目錄

卷上 詩

申 綸 二首

弔比于墓

輓紫山胡公

申 翰 三首

秋日臨洛道中

九日對菊

紅黃二種

申 价 二首

諫垣絕句

午日唐小潭郡伯邀飲汎舟

申 偉 二首

老衲

申氏拾遺集 目錄

申氏拾遺集 目錄

隨父之任鄭州登鳳皇臺

申中清 四首

村居四時詩

申代 三首

野遊

寓通州醺飲舟中

夢中作

申儲 三首

擬古從軍行二首

秋日病中漫題

申僑 一首

咏燕

申中道 一首

寄題友人別業

申琬 一首

鳳皇臺

申靈允一首

偶書十六秋字任筆抒懷

申爲憲二首

漫筆二首

申願十三首

送人

漢章甯妹丈謫居遠方感懷有作二首

秋閨月

送友赴任

己卯歲應制作

冀乾中招飲林園值雨信宿而返

偶吟

輓張相國

遊天雄林濟寺步伯兄敬立韻

申氏拾遺集 目錄

咏張楓宸梧桐步伯兄敬立韻

咏盆柏

劉在中邀賞白梅

卷下 文

申 佐 二篇

永年縣儒學碑記

重修阜民閘記

申 价 一篇

正士風以端治本疏

申 化 一篇

家譜序

申 代 一篇

蒼巖子夢遊記

申靈允 一篇

族譜序

申涵煜 六篇

文昌閣祭田碑記

路氏兩甥遊泮序

治漳河議一

治漳河議二

送陳明府卓異序

遊西洞庭山記

申 頤 五篇

瑞徵集序

李復隆繼配胡氏節孝錄序

持平論

續持平論

姚東巖詩序

申氏拾遺集卷上

清 永年申居鄖輯

詩

申綸

公諱綸字廷言號南濱予六世祖也幼聰穎嗜學宏治戊午舉人乙丑進士歷定襄永康平陸太原知縣陞潞州知州所至推誠愛民寬嚴并濟民不敢犯擢南京兵部武選司員外轉戶部廣東司郎中奉職有聲嘉靖元年出守衛輝在郡不勞而治蝗不入境禾生六穗舉卓異第一調常州益廉慎嚴明豪右斂跡作書院獎士類號稱知人時薛方山應旂唐荆川順之皆出其門陞四川按察司副使攝臬篆秉公執法獄稱平反忤直指意解任尋起雲南曲靖兵備道政績偉然名震荒服公在仕途久去家萬里常懷首邱之思因致仕歸躬耕潞側築南濱草堂蒔花種竹與故老徜徉其間爲重率之會舉鄉飲大賓卒年六十有五公忠厚篤實居家孝友一介不苟取雖久歷方面而澹泊自持無媿妾之奉樂善利人鄉里推重事載滇省人物考

弔比干墓

王子高墳隱太行千年忠烈耿餘光言危自信師臣重身死甯知社稷亡風雨至今留檜柏秋原落日散牛羊偶言剖腹當時事伏獵居人尙感傷

輓紫山胡公胡諱瑩

遙憶三台寂，緣愁七政閒。若何君獨去，邈矣未歸還。青草見春陌，白雲知暮山。所經惟不改，川上水潺湲。

申翰

公諱翰，字允楨，號滄川，綸長子。生而穎異，日記數千言，爲文清逸。工書，得顏魯公法。試府院皆冠軍。時憲副公方宦遊，公銳意進取，欲觀國光。友天下士，遂援例入監，授綏德州判。清介慈惠，州人德之。城中舊無井，每有邊警戒嚴，渴以待斃。公禱神鑿井得泉，至今名爲申公井。丁憂服闋，補鄭州州近河。公經理漕渠，事辦而民不擾。攝河陰篆，有治績。擢懷仁知縣，改文縣知縣。公賑災凶，興學校，省刑薄斂，事載文邑循吏傳。上司交章薦之，公遽引年致政，歸守南濱舊廬。優游以終，年六十有五。有子七人，四登科第，極一時之盛。是子仕生員，王府典膳，次价進士，副使，次偉，舉人，通判，次儲，舉人，次備，監生，次偉，生員，次儒，舉人，知縣。

秋日臨洛道中

搖落秋光暮，空懷宋玉悲。青山縈客路，紅葉染征衣。風勁猿聲急，霜寒鴈影遲。卻憐關塞上，折線補殘旗。

九日對菊

庭菊吾憐汝，秋深汝獨芳。清香凝湛露，勁節傲繁霜。珠蕊饒春色，瓊林鬪曉妝。爲巾新漉酒，醉賞占年光。

紅黃二種

不信秋容澹，羣芳愜賞心。黃雲垂小徑，紅雨點疏林。越女妍金粉，吳姬豔錦裙。笑看霜鬢滿，晚節有餘芬。

申价

公諱价字懋德一字仲修號紫巖。翰次子。綸之孫。嘉靖庚子舉人。甲辰進士。由中書舍人。擢工科給事中。時祭酒周文燭貪穢。公劾能之。朝中震肅。河套之議。總督曾銑旣被逮。詔簡廷臣公正者往勘。公奉命行邊。卒得稱旨歸。而條奏六事。上皆嘉納。轉禮科右給事中。冊封德藩。力卻餽遺。督左給事中。以次常章吏圯。嚴嵩與綸同年。思得公爲羽翼。公不屈。遂出爲鎮江知府。在郡裁冗費。正疆界。抑豪強。定稅額。禁兼井。察冤獄。斷疑事。如釋葛愷。數十年沈寃。與仙夢合符。尤爲可異。嚴侍郎朮山爲作辨枉傳。陞河南按察司副使。鎮人建祠立碑。攝泉豪多所平反。時方重屬望於公。而公跋涉邊戍。感暑溼。病瘍遂不起。年僅四十。公幼時飲郭外。醉歸。陰晦不辨踐徑。忽有二燈前導。以爲綱紀輩也。抵舍呼之不見人。以是徵其必貴云。

諒垣絕句

金門嚴邃趨朝早。青瑣從容退食遲。欲效樸忠司獻納。敢緣知遇負明時。

午日唐小潭郡伯邀飲汎舟

共有濠梁興。無勞折柬邀。夕陽山更好。雨霽暑全消。蟻泛初飛罌。虹垂欲度橋。忻乘休暇日。況際聖明朝。

申偉

公諱偉字懋功號明巖。翰第三子。嘉靖癸卯舉人。選汝甯府通判。未任卒。年四十。按家譜公嘗作歸

隱曲沁園春諸調無傳傳者止此二章。

老衲

老衲談空乘轉高。茗杯香鼎坐寥寥。浮生過眼眞成幻。白社盟心卽素交。龍聽佛經參法座。鳥窺禪影傍雲巢。欲將定慧通三昧。一滌塵襟與世遙。

隨父之任鄭州登鳳皇臺

躋攀虎磴上危臺。遠近雲山入望來。寥落舊墟千古在。氤氲中嶽五雲開。甫田還壯興周烈。溱洧猶憐濟鄭才。俯仰古今多感慨。汗都王氣已塵埃。

申中清

公諱中清。字德可。號友石。生而聰穎異常。姿容瓌碩。甫十齡補博士弟子員。冠多士。嘉靖丙午舉人。授山東莒州知州。不耐簿書。磐折之勞。遂解組歸。優游林下。卒年七十有九。

村居四時詩

陋巷曾無長者來。柴門鎮日鎖蒼苔。春風有意來相省。故遣楊花落酒杯。沼內荷花初放紅。清香先入酒杯中。小亭涼宴眞奇絕。恍似常年避暑宮。百室收藏落葉初。江天歲晚鴈相呼。老農辦得官租了。笑對山妻倒玉壺。敲火烹茶掃雪嘗。陶家幾盞獨清香。驚看梅使傳春信。得歲兒童共舉觴。

申代

公諱代字懋官號蒼巖予高伯祖也予六世祖諱緒緒生二子長子繼生員次子羽生員繼生代生員羽生二子長俸無嗣次化卽端愍公之父也

野遊

夾澗居人數十家家家籬落有桃花老農邀我花前坐旋汲清泉爲煮茶

寓通州釀飲舟中

乘興上樓船詩懷頓爽然釀錢沽酒美就網得魚鮮歌發風前棹光搖鏡裏天歸時俱盡醉檐影夕陽懸

夢中作

響振雲山幾杵鐘禪林貝葉染霜紅吟邊秋色誰能畫一月當懷萬境空

申儲

公諱儲字懋中號恆巖翰四子祖綸任常州守時生於官舍嘉靖戊午與弟僑同舉於鄉未仕疾卒年四十四

擬古從軍行

行營毳帳朔風飄霜月關山夜寂寥刁斗軍容皆整飭閑尋沙磧射飛鵝西風吹落鴈門關一曲胡笳月影寒飲罷葡萄酒憑野望明朝恰好破樓蘭

秋日病中漫題

無才善學王維病。秋至翻添宋玉悲。對坐小窗無個事。悶來聊讀少陵詩。

申僑

公諱僑字懋仁。號石巖。翰第七子。與兄儲同舉於鄉。授河南息縣知縣。在任二年。訟平俗易。以直忤時。遷周王府審理。棄官歸。修葺南濱故廬。陶情詩酒。卒年五十。

咏燕

胡越原分種。斑紅各異材。定知秋後別。長向社前來。戊己知能避。方圓不用裁。差池翻日影。高下受風迴。漫訝垂簾寂。偏憐語棟陪。呢喃聽不厭。顧影樂悠哉。

申中道

公諱中道。字性夫。號鑑庵。嘉靖辛酉舉人。未仕。卒。年四十二。

寄題友人別業

卜築離城市。幽棲傍午橋。綠波滄水注。青嶂紫山繞。避俗憐嵇懶。逃名悟鹿蕉。情深訪戴切。欲蕩子猷紹。申琰

公諱琰。字華玉。號春洲。天啓丁卯舉人。未仕而卒。年四十六。

鳳皇臺

鳳去臺空跡已微。當年曾說鳳皇飛。丹山欲見文明瑞。潦水斜穿旭日暉。遠去浮雲成往事。數傳靈鳥恨依稀。棲梧漫說藏身穩。乘興閒來再一歸。

申鑑允

公諱鑑允。字得秀。號洙源。代之子。隨之孫。緒之曾孫。與端慤同曾祖弟兄。嘗從受學。中萬歷乙卯舉人。授鄒縣知縣。直道忤時。謫鳳陽知事。旋起扶風知縣。公懶於仕進。市月卽掛冠歸里。優游以終。年七十有一。公邃於理學。簞瓢屢空。恬如也。嘗題一聯於壁曰。守拙養機變。怡神寶濟甯。踴面蒼青。望而知爲有道之士云。

偶書十六秋字任筆抒懷

秋去秋來秋復秋。秋光滿目動秋愁。秋風不盡蕭蕭墜。秋水無情滾滾流。秋夜秋思鄉野望。秋時秋試長安遊。當秋懶誦悲秋賦。恐惹秋情秋日憂。

申爲憲

公諱爲憲。字于蕃。萬歷乙卯舉人。己未進士。授行人。擢兵科給事中。出爲潁州兵備道。致仕。明末流寇破吾郡。攜之而西。後賊敗。逸歸。杜門寂守。足不踰戶閫者二十年。親族慶弔皆絕。性嗜棋酒。暇則召鄰近父老娛適而已。卒年八十一。

漫筆

斯世能高蹈。於吾豈不榮。失身學干祿。踴躍復無成。進退總厚顏。人誰諒我情。違心甚貧賤。鐘鼎一毛輕。仲連亦何人。能全蹈海名。

其二

素絲亦以涅。再濯豈能清。操刀不得割。業已爲臙營。隨世求利祿。自甘庸衆情。願爲江海間。豈遂乏賢英。落日無聊賴。蒼茫獨掩荆。

申 頤

公諱頤。字德愚。太史公長子。康熙乙酉科舉人。案先堂伯素不以詩名。子孫亦無知其能詩者。偶翻敝篋。得此十餘首。格調工穩。居然老手。惜未見全稿。因附之拾遺集中。

送人

僕僕風塵無歲無。千金費盡計仍迂。老夫屢把臨行酒。始解無材是坦途。

漢章留妹丈謫居遠方感懷有作

姻戚吾鄉衆。交情我輩真。那知歡會日。頓作別離人。家業隨流水。顛危任此身。所居星巷近。瞻望倍傷神。

其二

鮑叔遺薰沐。范生擁素車。慚非交道古。空有故人嗟。父死身何惜。名高謗易加。皇天如可問。絕塞豈君家。

秋閨月